

連翊希收「世一」飛吻 送心回敬

群星齊撐江旻憐 Aka 插畫恭賀

本港不少市民昨日凌晨捱眼瞓見證「劍擊女神」江旻憐 (Vivian) 奪金，多位圈中人亦有欣賞賽事，並於社交平台留言恭賀，前女子組合 Super Girls 隊長趙慧珊 (Aka) 更親自繪製 Vivian 的插畫，獲網民讚最有心思！

江旻憐昨日於女子重劍決賽贏得香港歷史上第三面奧運金牌，雖然賽事於香港凌晨3時半舉行，依然吸引不少圈中人收看，包括Aka、戴祖儀、謝東閔、洪永城、湯洛雯、MIRROR成員姜濤、呂爵安等。Vivian奪金一刻，各人即於社交平台留言恭賀，當中以Aka最有心思，上載親自繪製Vivian的插畫，輕易吸引網民瘋狂畀Like！至於2016年為無綫到巴西採訪奧運的麥明詩，上載與Vivian的合照及留言：「看着你止於16強、經歷兩次傷患後到2024年，絕地反勝，奪得奧運金牌，心態、堅持，Congratulations！」

另外，身為Vivian隊友兼為無綫專業評述的連翊希 (Coco)，在錄影廠直擊Vivian奪冠後心情激動，一度開心到眼紅紅！Coco說：「我哋唔喊嘅，真係超級感動！我相信全香港市民，唔止我，都係十分之

感動，因為見到Vivian咁多年嚟一路一路咁進步，無可否認由2016年開始，大家已經睇好佢擺獎牌，但就成日好似爭少少。作為隊友，大家都戥佢心急同緊張，但見到嚟到2024年，巴黎奧運今次終於圓夢喇！」

估中Vivian想食士多啤梨


頒獎禮後，Coco即時與「世一」Vivian隔空連線對話。Coco問Vivian有否Enjoy比賽？Vivian竟Sweet爆表示：「場地係你鍾意嘅紫色，好靚呀！」問Vivian回到選手村第一件事會做什麼？她說：「我要食士多啤梨！」由於Coco事先已猜到Vivian會食士多啤梨，其他主持即讚Coco很了解Vivian。Vivian說：「好多謝你送畀我嘅士多啤梨花同埋祝福。」然後對着鏡頭狂派飛吻，Coco則以心心手勢回敬，畫面十分有愛。



■麥明詩很欣賞江旻憐永不放棄的個性。



■江旻憐奪冠，趙慧珊(左圖)畫下對方的插畫恭賀。



■江旻憐隔空送飛吻，連翊希派心回敬。



梁詠琪 11月香港開騷

梁詠琪 (Gigi) 日前無懼颱風吹襲台灣，於台北華山文創Legacy舉行一連



■梁詠琪感激歌迷冒風雨前來睇騷。

兩場音樂會。Gigi出發前曾一度擔心航班延誤，未能如期出發，幸天公作美，音樂會如期進行，Gigi十分感謝歌迷冒風雨前來睇騷。音樂會尾聲，Gigi投出「震撼彈」，宣布將於11月移師香港，帶給大家一個全新的廣東歌音樂會，Gigi希望可以近距離看清楚每一位現場觀眾的臉，更歡迎歌迷提供期望的歌單，一起選出演唱會的rundown，希望帶給大家一個快樂及滿意的演出。

張家輝奪「卓越電影成就獎」

張家輝應第7屆馬來西亞國際電影節邀請，其執導及主演電影《贖夢》成為電影節的閉幕電影，他更獲頒「卓越電影成就獎」。前日家輝現身吉隆坡舉行的頒獎禮接受榮譽，他指今次得獎及攜同新作參展別具意義，皆因大馬是他導演之路的起點，更喜遇日本大導演是枝裕和及香港影圈好友，大家都把握機會交流或叙舊。他說：「今次獎項對我又有一個更深層次嘅鼓勵，過往我擺過一啲演員嘅獎項，但今次頒發呢個卓越電影成就獎，包含大會對我做導演範疇上面嘅鼓勵，證實到我愛電影。」



■家輝(右)與是枝裕和惺惺相惜。

王丹妮羅孝勇飛巴黎 瞓身支持港隊

王丹妮 (Louise) 與老公羅孝勇 (Sheldon) 趁有四天假期，即飛往巴黎首次親身欣賞奧運多項賽事，包括七人欖球、柔道、沙灘排球和游泳比賽。Louise興奮說：「人生第一次睇奧運真係感覺難忘，開幕禮雖然落大雨，但係都無阻觀眾同運動員嘅熱情。」

Louise笑言希望有多幾日假期：「上年年尾結完婚，都好似有機會咁樣一齊出遊，所以今次Paris Olympics之旅，對我哋更有特別意義。Sheldon以前讀大學都有玩欖球同柔道，所以佢睇得特別興奮。我自己以前打排球，所以亦都好期待睇沙灘排球。但係我哋兩個最期待嘅一定係游泳！能夠喺現場大聲支持香港隊，為香港隊吶喊助威，興奮心情難以形容，亦都希望香港隊可以繼續再創佳績！」



■王丹妮買奧運環保袋留念。



■王丹妮與羅孝勇表示現場睇比賽感覺好正。